

Item man sal ouch zu sulchin wirtschafften keynerley kostlich getrenek an süßen weynen als Malvasier, Reinfal, Welchsweyn, Passawner und ander hoche und kostliche getreneke hinforder nicht geben, bey buße eyns nuwen schocks. Item man sal ouch hinforder zu sulchin wirtschafften nicht mehr danne zu sechs fischen besessener wirthel bitten bey buß xx gr., so manchen wirth, es sey fraw addir man, er dorubir haben 5 wurde; jungfrawn mag er ouch zu cyn fische haben, ydoch keyne dinstmayt, sy were danne gebeten. Item man sal ouch nicht mehr danne vire haben, dy do zu sulchen wirtschafften bitten. Item^{e)} man sal ouch hinforder nicht mehr danne zewelff jungfrawn zu sulchin wirtschafften bitten^{e)}. Item ouch nicht mehr danne xx gesellen, und dieselben sullen nicht mehr danne cyn virtel birs daruff kouffen, allis bey pen xx gr., als oft und so vil 10 der dorubir gebeten wurden. Item es sal ouch hinforder, dormith sich sulche obrikeit ouch selbs were, nicht mehr danne in gute groschin schencken, bey buß xx gr. Item man sal ouch nu hinforder zu keyner hochezeit nicht mehr und lenger danne den hochezeittag tantezen, bey buße eyns guten schocks, es weren denne redeliche geste. Item^{f)} es sal ouch nu hinforder cyn iglicher, der wirtschafft had, keyn nachessen 15 machen, ouch nymands zu sich bitten, w[ed]ir man jungfraw noch fräw, frunde noch fremde, bey buß xx silbern gr. von iglichem, so vil er dorubir zu sich bitten wurde^{f)}.

Item der kindelbrot halben, dy bißher zu kostlich geweßt und dy lewte dormith groß beswert wurden sind, ist unser meynunge, das hinforder keyne frawe mehr danne x frauwen bitten und nicht mehr danne drey essen geben sal; als vil sy der dorubir 20 bitten ouch als manch essen sy darubir geben wurde, als manche xx gr. sal sy zu buße geben. Item es sal ouch keyne frawe mehr danne 3 gr. und dy gevatter 1 gr. zu dem kindelbrote vortrinken bey pen xx gr. Item dy frauwen sullen ouch widder meyde noch kinder, dormith dy lewte beswert wurden, mit yn vor dy sechswochen nemen. Item das allis sal nicht mehr danne zu dem rechten kindelbrote vor dem kirchgange 25 gescheen und sal dorezwisehin widder essen noch trinken keyner frawen geben bey buß xx gr. Item is sal ouch keyne fraw ungebeten dorezu gehn, so das rechte kindelbroth gehalten wirdet, igliche bey buß v gr.

Der unordenlichen kurezen cleider halben ist unser meynunge, das hinforder keyner kurezer cleider tragen sal, es sey rock addir mantel, danne als fer er mit nyder- 30 hangenden armen und henden reichen mag, er hette danne cyn langen mantel dorubir, bey buß x gr., als oft er des bruchig erfunden wirdet. Item cyn iglicher snyder, der dy cleider kurezer machen wurde, als oft das durch yn geschiet, sal ouch x gute gr. geben. Item es sal ouch keyner cynen offin mantel tragen, er sey danne mit eyner sencker addir snure zugebunden, bey buß der x gr. 35

Der obrigen spitezen schu halben, nochdem das eitel unnuteze und suntlich ist, sal hinforder keyner lenger spitezen tragen danne ii fordergelid eyns fingers lang, bey v gr., als oft dy lenger an ym beschn werden. Item der schuster, der dy lenger macht, als oft er das erfunden wirdet, sal ouch v gr. zu buße geben.